

রেজিস্টার্ড নং ডি এ-১

বাংলাদেশ



গেজেট

অতিরিক্ত সংখ্যা  
কর্তৃপক্ষ কর্তৃক প্রকাশিত

সোমবার, সেপ্টেম্বর ২, ২০২৪

গণপ্রজাতন্ত্রী বাংলাদেশ সরকার  
শ্রম ও কর্মসংস্থান মন্ত্রণালয়  
চেয়ারম্যানের কার্যালয়  
নিম্নতম মজুরী বোর্ড  
বিজ্ঞপ্তি

তারিখ: ১৮ ভাদ্র, ১৪৩১ বঙ্গাব্দ / ০২ সেপ্টেম্বর, ২০২৪ খ্রিষ্টাব্দ

নং ৪০.০৪.০০০০.০০২.৩৬.০০৭.২২.২৫—বাংলাদেশ শ্রম আইন, ২০০৬ (২০০৬ সনের ৪২ নং আইন) এর ১৩৯ (১) ধারা এবং বাংলাদেশ শ্রম বিধিমালা, ২০১৫ এর ১২৮ (১) বিধি মোতাবেক নিম্নতম মজুরী বোর্ড কর্তৃক “সোপ এন্ড কসমেটিকস” শিল্প সেক্টরে নিযুক্ত সকল শ্রেণির শ্রমিক-কর্মচারীগণের জন্য নিম্নতম মজুরি হারের খসড়া সুপারিশ, ২০২৪ জনসাধারণের/সংশ্লিষ্ট সকলের অবগতির জন্য অত্র বিজ্ঞপ্তি মারফত জানানো যাইতেছে।

অত্র বিজ্ঞপ্তিতে প্রকাশিত “সোপ এন্ড কসমেটিকস” শিল্প সেক্টরে নিযুক্ত সকল শ্রেণির শ্রমিক-কর্মচারীগণের নিম্নতম মজুরি হারের খসড়া সুপারিশের উপর যদি কাহারও কোনো আপত্তি বা সুপারিশ থাকে তাহা হইলে এই গেজেট বিজ্ঞপ্তি প্রকাশের ১৪ (চৌদ্দ) দিনের মধ্যে উক্ত আপত্তি বা সুপারিশ উপাত্তসহ লিখিতভাবে চেয়ারম্যান, নিম্নতম মজুরী বোর্ড, ৪০, সেগুনবাগিচা, শাহ পোরশিয়া (১৪তম তলা), সেগুনবাগিচা, ঢাকা -১০০০ বরাবর পাঠাইতে হইবে। উক্ত সময়সীমার মধ্যে প্রদত্ত আপত্তি বা সুপারিশ বিবেচনার পর বোর্ড সরকারের নিকট সুপারিশ পেশ করিবেন।

লিয়াকত আলী মোল্লা  
চেয়ারম্যান (সিনিয়র জেলা জজ)  
নিম্নতম মজুরী বোর্ড, ঢাকা।

( ২৪৫২১ )

মূল্য : টাকা ১২.০০

**“সোপ এন্ড কসমেটিকস” শিল্প**

**খসড়া সুপারিশ-২০২৪**

গণপ্রজাতন্ত্রী বাংলাদেশ সরকারের শ্রম ও কর্মসংস্থান মন্ত্রণালয় কর্তৃক ২৮/১২/২০২২ তারিখের প্রজ্ঞাপন মূলে (নম্বর: ৪০.০০.০০০০.০১৬.৩২.০৬৪.১৭.১৩৬ তারিখ: ২৮/১২/২০২২ খ্রিস্টাব্দ) নিম্নতম মজুরী বোর্ডে “সোপ এন্ড কসমেটিকস” শিল্প সেক্টরের প্রতিনিধিত্ব করার জন্য মালিকগণের প্রতিনিধিত্বকারী সদস্য ও শ্রমিকগণের প্রতিনিধিত্বকারী সদস্য নিয়োগ করা হয়। অতঃপর শ্রম ও কর্মসংস্থান মন্ত্রণালয় এর স্মারক নম্বর ৪০.০০.০০০০.০১৬.৩২.০৬৪.১৭.১৩৮ তারিখ: ২৮/১২/২০২২ খ্রিস্টাব্দ মূলে আইন ও বিধি মোতাবেক “সোপ এন্ড কসমেটিকস” শিল্প সেক্টরে নিযুক্ত শ্রমিক ও কর্মচারীগণের নিম্নতম মজুরি নির্ধারণের কার্যক্রম গ্রহণের জন্য নিম্নতম মজুরী বোর্ডের চেয়ারম্যানকে অনুরোধ জানানো হয়।

অতঃপর নিম্নতম মজুরী বোর্ড “সোপ এন্ড কসমেটিকস” শিল্প সেক্টরে নিযুক্ত সকল শ্রেণির শ্রমিক ও কর্মচারীগণের জন্য নিম্নতম মজুরি হারের সুপারিশ প্রণয়নের উদ্দেশ্যে নিম্নতম মজুরী বোর্ডের একাধিক সভা অনুষ্ঠিত হয়। এছাড়া বোর্ডের চেয়ারম্যান ও সদস্যগণ ঢাকায় অবস্থিত ২টি “সোপ এন্ড কসমেটিকস” শিল্প প্রতিষ্ঠানে (লালবাগ কেমিক্যাল কো. এন্ড পারফিউমারি ওয়াকার্স লিমিটেড ও কোহিনুর কেমিক্যাল কো. (বিডি) লিমিটেড) এবং চট্টগ্রামে অবস্থিত ২টি (রেকিট এন্ড ব্যাংকাজার বাংলাদেশ লিমিটেড ও ইউনিলিভার বাংলাদেশ লিমিটেড) এ উপস্থিত হইয়া বিভিন্ন কার্যক্রম পর্যবেক্ষণ ও সংশ্লিষ্ট মালিক ও শ্রমিকনেতৃবৃন্দের সাথে মতবিনিময় সভা করে তথ্য উপাত্ত সংগ্রহ করেন।

বোর্ডের সভায় সংশ্লিষ্ট শিল্পের মালিকগণের প্রতিনিধিত্বকারী সদস্য ও শ্রমিকগণের প্রতিনিধিত্বকারী সদস্য কর্তৃক দাখিলকৃত মজুরি প্রস্তাবসহ বাংলাদেশ শ্রম আইন, ২০০৬ এর ১৪১ ধারা মোতাবেক শ্রমিকগণের জীবনযাপন ব্যয়, জীবনযাপনের মান, উৎপাদন খরচ, উৎপাদনশীলতা, উৎপাদিত দ্রব্যের মূল্য, মুদ্রাস্ফীতি, কাজের ধরণ, ঝুঁকি ও মান, ব্যবসায়িক সামর্থ্য, দেশের এবং সংশ্লিষ্ট এলাকার আর্থ-সামাজিক অবস্থা এবং অন্যান্য প্রাসঙ্গিক বিষয় পর্যালোচনা করা হয়। সার্বিক অবস্থা বিবেচনাপূর্বক বাংলাদেশ শ্রম আইন, ২০০৬ এর ধারা ১৩৯ মোতাবেক “সোপ এন্ড কসমেটিকস” শিল্প সেক্টরে নিযুক্ত সকল শ্রেণির শ্রমিক ও কর্মচারীগণের জন্য নিম্নতম মজুরি হার নির্ধারণের বিষয়ে নিম্নতম মজুরী বোর্ড বাংলাদেশ শ্রম বিধিমালা, ২০১৫ এর বিধি ১২৯ মোতাবেক বোর্ডের সভায় উপস্থিত সদস্যদের সংখ্যাগরিষ্ঠের মতামতের ভিত্তিতে গণপ্রজাতন্ত্রী বাংলাদেশ সরকারের নিকট নিম্নলিখিতভাবে খসড়া সুপারিশ পেশ করিল:

- ১। এই সুপারিশে উল্লিখিত নিম্নতম মজুরি হার বাংলাদেশে অবস্থিত সকল এলাকার “সোপ এন্ড কসমেটিকস” শিল্প সেক্টরের জন্য প্রযোজ্য হইবে।
- ২। এই সুপারিশে উল্লিখিত পদের অতিরিক্ত কোনো পদ সংশ্লিষ্ট শিল্পে পূর্ব হইতে বিদ্যমান অথবা পরবর্তীতে সংযোজিত হইলে উহা যথাযথ শ্রেণিতে/গ্রেডে অন্তর্ভুক্ত করা যাইবে।
- ৩। উক্ত শিল্প সেক্টরের তপশিলে উল্লিখিত শ্রমিক ও কর্মচারীগণ বর্তমানে যে গ্রেডে কর্মরত আছেন সেই গ্রেডেই তাহাকে স্থলাভিষিক্ত করিয়া এই মজুরি কাঠামোর সহিত সমন্বয়পূর্বক তাহার মজুরি নির্ধারণ করিতে হইবে। কোনো শ্রমিক ও কর্মচারীকে নিম্ন গ্রেডভুক্ত করা যাইবে না।
- ৪। এই সুপারিশের প্রেক্ষিতে সরকার কর্তৃক প্রজ্ঞাপন জারির পর হইতে উক্ত শিল্প সেক্টরের মালিকগণ তপশিলে উল্লিখিত পদবিন্যাস অনুযায়ী শ্রমিক ও কর্মচারীগণকে যথাযথ পদে সন্নিবেশিত করিয়া মজুরি রেজিস্টারভুক্তকরত মজুরি স্লিপ প্রদান করিবেন।
- ৫। তপশিল “ক” ও তপশিল “খ” এ উল্লিখিত মজুরি মাসিক নিম্নতম মজুরি হিসাবে গণ্য হইবে এবং উক্ত নিম্নতম মজুরি অপেক্ষা কম মজুরি প্রদান করা যাইবে না। এছাড়া উক্ত নিম্নতম মজুরি অপেক্ষা অধিকহারে মজুরি প্রদত্ত হইয়া থাকিলে তাহা হাস করা যাইবে না।
- ৬। নিয়োগকর্তা বা মালিকপক্ষ ইচ্ছা করিলে স্ব-উদ্যোগে বা এককভাবে বা যৌথ উদ্যোগে সম্পাদিত চুক্তি অনুযায়ী কোনো শ্রমিক অথবা শ্রমিকগণকে অধিক হারে মজুরি প্রদান করিতে পারিবেন।

- ৭। উক্ত শিল্প সেক্টরে কোনো শ্রমিক ঠিকাদারের মাধ্যমে নিয়োজিত হইয়া মজুরি প্রাপ্ত হইয়া থাকিলে উক্ত শ্রমিকও বাংলাদেশ শ্রম আইন, ২০০৬ এর ধারা ২(৬৫) অনুযায়ী “শ্রমিক” বলিয়া গণ্য হইবেন। উক্ত শিল্প সেক্টরে কোনো শ্রমিকের ঠিকাদারের নিকট প্রাপ্য পাওনাতির ক্ষেত্রে সমস্যা সৃষ্টি হইলে তাহার দায়-দায়িত্ব মালিকপক্ষের উপর বর্তাইবে। ঠিকাদার নিম্নতম মজুরি বোর্ডের সুপারিশের আলোকে সরকার কর্তৃক শ্রমিকের জন্য ঘোষিত নিম্নতম মজুরি অপেক্ষা কোনোক্রমেই কম মজুরি প্রদান করিতে পারিবেন না।
- ৮। শর্ত (৭) এ উল্লিখিত নিয়োগকারী ঠিকাদার বাংলাদেশ শ্রম আইন, ২০০৬ এর ধারা ১২১, ধারা ১৫০ এবং ধারা ১৬১ এর বিধান মোতাবেক মালিকের ন্যায় একইরূপ ব্যবস্থা গ্রহণ করিবেন।
- ৯। উক্ত শিল্প সেক্টরের মালিক যদি শ্রমিককে ফুরনভিত্তিক (Piece rate) অথবা দৈনিক মজুরি প্রদান করিয়া থাকেন, তবে তপশিলে উল্লিখিত হারে ও উপরি-উক্ত শর্তাধীনে মজুরির হার এইরূপ হারে সংশোধন করিতে হইবে যাহাতে তাহারা বিভিন্ন শ্রেণিভুক্ত শ্রমিকের জন্য নির্ধারিত নিম্নতম মজুরি অপেক্ষা কম মজুরি প্রাপ্ত না হন।
- ১০। তপশিলে উল্লিখিত নিম্নতম মজুরি ও বিভিন্ন ভাতাদি ছাড়াও শ্রমিক ও কর্মচারীগণ কর্মরত প্রতিষ্ঠানে অন্যান্য যে সকল অধিকার, সুযোগ-সুবিধা ও ভাতা পাইয়া থাকেন তাহা বাংলাদেশ শ্রম আইন, ২০০৬ এর সংশ্লিষ্ট ধারার বিধান মোতাবেক বলবৎ ও অব্যাহত থাকিবে।
- ১১। এই সুপারিশে উল্লিখিত নিম্নতম মজুরি সমন্বয় করিয়া ০১(এক) বৎসর কর্মরত থাকার পর শ্রমিক ও কর্মচারীগণের মূল মজুরির কমপক্ষে ৫% হারে বাৎসরিক ভিত্তিতে মজুরি বৃদ্ধি পাইবে। পরবর্তী বৎসরে ক্রমবর্ধমান হারে পুনরায় মূল মজুরির কমপক্ষে ৫% হারে বৃদ্ধি পাইবে।
- ব্যাখ্যা:** যদি একজন শ্রমিকের মূল মজুরি ৫০০০/- (পাঁচ হাজার) টাকা হয়; তবে এক বৎসর কর্মরত থাকার পর তাহার বাৎসরিক মজুরি বৃদ্ধি পাইয়া মূল মজুরি ৫২৫০/- (পাঁচ হাজার দুইশত পঞ্চাশ) টাকা নির্ধারিত হইবে। পরবর্তী বৎসরে ক্রমবর্ধমান হারে পুনরায় ৫% হারে বৃদ্ধি পাইবে। অর্থাৎ মূল মজুরি ৫২৫০/- (পাঁচ হাজার দুইশত পঞ্চাশ) টাকার ৫% বৃদ্ধি পাইয়া ৫৫১২.৫০ (পাঁচ হাজার পাঁচশত বারো টাকা পঞ্চাশ পয়সা ) টাকা নির্ধারিত হইবে।
- ১২। উক্ত শিল্প সেক্টরে নিযুক্ত শ্রমিক ও কর্মচারীগণ বাংলাদেশ শ্রম আইন, ২০০৬ এবং বাংলাদেশ শ্রম বিধিমালা, ২০১৫ এর সংশ্লিষ্ট ধারা ও বিধি অনুযায়ী ভাতাদি এবং অন্যান্য সুবিধাদি প্রাপ্য হইবেন।
- ১৩। এই সুপারিশের কোনো অংশ প্রচলিত বাংলাদেশ শ্রম আইন, ২০০৬ এবং বাংলাদেশ শ্রম বিধিমালা, ২০১৫ এর সহিত সাংঘর্ষিক হইলে সেই অংশ বাতিল বলিয়া গণ্য হইবে।

### লিয়াকত আলী মোল্লা

চেয়ারম্যান (সিনিয়র জেলা জজ)

নিম্নতম মজুরী বোর্ড, ঢাকা।

অধ্যাপক ড. মো: কামাল উদ্দীন

নিরপেক্ষ সদস্য

মকসুদ বেলাল সিদ্দিকী

মালিকগণের প্রতিনিধিত্বকারী সদস্য

সুলতান আহম্মদ

শ্রমিকগণের প্রতিনিধিত্বকারী সদস্য

মীর মাহফুজ উল আনোয়ার

সংশ্লিষ্ট শিল্পের মালিকগণের প্রতিনিধিত্বকারী সদস্য

মোঃ সামছুদ্দিন

সংশ্লিষ্ট শিল্পে নিযুক্ত শ্রমিকগণের প্রতিনিধিত্বকারী সদস্য

## তপশিল “ক”

## শ্রমিকগণের নিম্নতম মজুরি হার

ক্রমিক নম্বর	শ্রমিক শ্রেণিবিভাগ (গ্রেড) ও পদবিন্যাস	এলাকা	মাসিক মূল মজুরি (টাকা)	বাড়ী ভাড়া ভাতা (টাকা) (বিভাগীয় শহর ও সিটি কর্পোরেশন এলাকায় মূল মজুরির ৫০% এবং জেলা শহর ও অন্যান্য এলাকায় মূল মজুরির ৪০%)	চিকিৎসা ভাতা (টাকা)	যাতায়াত ভাতা (টাকা)	সর্বমোট মজুরি (টাকা)
(১)	(২)	(৩)		(৪)	(৫)	(৬)	(৭)
১।	<b>উচ্চতর দক্ষ:</b> ১। ফোরম্যান ২। মাস্টার টেকনিশিয়ান ৩। ওয়েল্ডার ৪। মেকানিক ৫। টার্নার ৬। সাধারণ মিস্ত্রী ৭। প্রেসম্যান/প্রেস মেশিনম্যান ৮। টয়লেট/ওয়াশিং প্রেসম্যান ৯। ফ্লাডার মেশিনম্যান ১০। মিস্ক্রার মেশিনম্যান/ মিস্ক্রারম্যান ১১। ডাইং চেম্বার মেশিনম্যান ১২। বয়লার এটেনডেন্ট ১৩। ফিটার মিস্ত্রী ১৪। কাটিং মেশিনম্যান ১৫। ডাইস মিস্ত্রী ১৬। অপারেটর/প্লান্ট অপারেটর ১৭। ইলেকট্রিশিয়ান ১৮। বয়েলিংম্যান ১৯। প্যাকার্স/র্যাপার্স	বিভাগীয় শহর ও সিটি কর্পোরেশন এলাকায়  জেলা শহর ও অন্যান্য এলাকায়	৮২৬০/-    ৮২৬০/-	৪১৩০/-    ৩৩০৪/-	১৫০০/-    ১৫০০/-	১০০০/-    ১০০০/-	১৪৮৯০/-    ১৪০৬৪/-

(১)	(২)	(৩)	(৪)	(৫)	(৬)	(৭)	(৮)
২।	<b>দক্ষ:</b> ১। সহকারী অপারেটর ২। সহকারী মেকানিক ৩। সহকারী ওয়েল্ডার ৪। সহকারী ইলেকট্রিশিয়ান ৫। সহকারী পাম্প অপারেটর ৬। বয়লার হেলপার ৭। কার্পেন্টার ৮। সহকারী বলিংম্যান ৯। বোতল/টিন ফিলিং ম্যান ১০। ক্যাপ সিলিং/টিন সিলিং ম্যান ১১। সহকারী ডাইস মিস্ত্রী ১২। সহকারী কাটিং ম্যান ১৩। সহকারী ফিটার মিস্ত্রী ১৪। সহকারী প্রেসম্যান/সহকারী প্রেস মেশিনম্যান ১৫। সহকারী ফ্লোডার মেশিনম্যান ১৬। সহকারী মিস্ত্রার মেশিনম্যান/ সহকারী মিস্ত্রার ম্যান ১৭। সহকারী প্যাকার্স/সহকারী র্যাপার্স	বিভাগীয় শহর ও সিটি কর্পোরেশন এলাকায়	৬৩৯০/-	৩১৯৫/-	১৫০০/-	১০০০/-	১২০৮৫/-
		জেলা শহর ও অন্যান্য এলাকায়	৬৩৯০/-	২৫৫৬/-	১৫০০/-	১০০০/-	১১৪৪৬/-
৩।	<b>আধা-দক্ষ:</b> ১। বয়েলিং হেলপার ২। মার্কম্যান ৩। নেইলার ৪। রোলার মেশিন হেলপার ৫। ফ্লোডার মেশিন হেলপার ৬। মিস্ত্রার মেশিন হেলপার ৭। কাটিং হেলপার ৮। বোতল/টিন ফিলিং হেলপার ৯। ক্যাপ-সিলিং ও টিন সিলিং হেলপার ১০। প্রেস মেশিন হেলপার ১১। প্যাকার্স/ র্যাপার্স (সাধারণ)	বিভাগীয় শহর ও সিটি কর্পোরেশন এলাকায়	৫৫৩০/-	২৭৬৫/-	১৫০০/-	১০০০/-	১০৭৯৫/-
		জেলা শহর ও অন্যান্য এলাকায়	৫৫৩০/-	২২১২/-	১৫০০/-	১০০০/-	১০২৪২/-

(১)	(২)	(৩)	(৪)	(৫)	(৬)	(৭)	(৮)
৪।	<b>অদক্ষ:</b> ১। সাধারণ শ্রমিক	বিভাগীয় শহর ও সিটি কর্পোরেশন এলাকায়	৫০০০/-	২৫০০/-	১৫০০/-	১০০০/-	১০০০০/-
		জেলা শহর ও অন্যান্য এলাকায়	৫০০০/-	২০০০/-	১৫০০/-	১০০০/-	৯৫০০/-
৫।	<b>শিক্ষানবিস শ্রমিক:</b>	<p>(ক) শিক্ষানবিসীকাল ৩ (তিন) মাস। তবে শর্ত থাকে যে, একজন শ্রমিকের ক্ষেত্রে শিক্ষানবিসীকাল আরও ৩ (তিন) মাস বৃদ্ধি করা যাইবে যদি কোনো কারণে প্রথম ৩ (তিন) মাস শিক্ষানবিসীকালে তাহার কাজের মান নির্ণয় করা সম্ভব না হয়।</p> <p>(খ) শিক্ষানবিসীকালে শিক্ষানবিস শ্রমিক মাসিক সর্বসাকুল্যে ৭৫০০/- ( সাত হাজার পাঁচশত ) টাকা প্রাপ্ত হইবেন।</p> <p>(গ) শিক্ষানবিসীকাল সন্তোষজনকভাবে সমাপ্ত হইবার পর শিক্ষানবিস শ্রমিক সংশ্লিষ্ট গ্রেডের স্থায়ী শ্রমিক হিসাবে নিযুক্ত হইবেন।</p>					

**তপশিল “খ”**  
**কর্মচারীগণের নিম্নতম মজুরি হার**

ক্রমিক নম্বর	কর্মচারী শ্রেণিবিভাগ (গ্রেড) ও পদবিন্যাস	এলাকা	মাসিক মূল মজুরি (টাকা)	বাড়ী ভাড়া ভাতা (টাকা) (বিভাগীয় শহর ও সিটি কর্পোরেশন এলাকায় মূল মজুরির ৫০% এবং জেলা শহর ও অন্যান্য এলাকায় মূল মজুরির ৪০%)	চিকিৎসা ভাতা (টাকা)	যাতায়াত ভাতা (টাকা)	সর্বমোট মজুরি (টাকা)
(১)	(২)	(৩)	(৪)	(৫)	(৬)	(৭)	(৮)
১।	<b>গ্রেড-১:</b> ১। সিনিয়র ক্রয় সহকারী ২। সিনিয়র বিক্রয় সহকারী ৩। সিনিয়র টেলিফোন অপারেটর ৪। মুয়াজ্জিন ৫। মেডিক্যাল এটেনডেন্ট ৬। হিসাব সহকারী ৭। স্টোর কিপার ৮। উচ্চমান সহকারী ৯। কম্পিউটার অপারেটর ১০। সিনিয়র টাইম কিপার	বিভাগীয় শহর ও সিটি কর্পোরেশন এলাকায়  জেলা শহর ও অন্যান্য এলাকায়	৮৫৮০/-  ৮৫৮০/-	৪২৯০/-  ৩৪৩২/-	১৫০০/-  ১৫০০/-	১০০০/-  ১০০০/-	১৫৩৭০/-  ১৪৫১২/-
২।	<b>গ্রেড-২:</b> ১। জুনিয়র ক্রয় সহকারী ২। জুনিয়র বিক্রয় সহকারী ৩। নিরাপত্তা হাবিলদার ৪। গেট ক্লার্ক ৫। মার্চেন্টাইজার ৬। ট্রান্সপোর্ট মেকানিক ৭। টেলিফোন মেকানিক ৮। নিম্নমান সহকারী ৯। টাইম কিপার ১০। কম্পিউটার মুদ্রাক্ষরিক ১১। স্টোর এসিস্টেন্ট ১২। জুনিয়র টেলিফোন অপারেটর ১৩। ড্রাইভার	বিভাগীয় শহর ও সিটি কর্পোরেশন এলাকায়  জেলা শহর ও অন্যান্য এলাকায়	৬৫৫০/-  ৬৫৫০/-	৩২৭৫/-  ২৬২০/-	১৫০০/-  ১৫০০/-	১০০০/-  ১০০০/-	১২৩২৫/-  ১১৬৭০/-

(১)	(২)	(৩)	(৪)	(৫)	(৬)	(৭)	(৮)
৩।	<b>গ্রেড-৩:</b> ১। পিয়ন ২। দারোয়ান ৩। নাইট গার্ড ৪। সুইপার/ক্লিনার ৫। মালি ৬। কুক	বিভাগীয় শহর ও সিটি কর্পোরেশন এলাকায়	৫০০০/-	২৫০০/-	১৫০০/-	১০০০/-	১০০০০/-
		জেলা শহর ও অন্যান্য এলাকায়	৫০০০/-	২০০০/-	১৫০০/-	১০০০/-	৯৫০০/-
৪।	<b>শিক্ষানবিস কর্মচারী:</b>	(ক) শিক্ষানবিসীকালে শিক্ষানবিস শ্রমিক মাসিক সর্বসাকুল্যে ৭৫০০/- (সাত হাজার পাঁচশত) টাকা প্রাপ্ত হইবেন। (খ) শিক্ষানবিসীকাল ০৬ (ছয়) মাস। (গ) শিক্ষানবিসীকাল সমাপ্ত হইবার পর শিক্ষানবিস শ্রমিক সংশ্লিষ্ট গ্রেডের স্থায়ী শ্রমিক হিসাবে নিযুক্ত হইবেন।					